



Fylkesmannen
Kommunen

Kontaktperson: Ylva Freed
Vår dato: 02.06.2014
Vår referanse: 14/1-14
Rundskriv erstatter:

Rundskriv 14/2014 - Utbetaling av produksjonstilskot og tilskot til avløsning ved ferie og fritid, etter søknad med frist 20. januar 2014

1 Tilskotsbrev og utbetaling ved den sentrale utbetalinga

Alle søkjarar, som har gyldig søknad, mottek ca 4. juni eit sentralt produsert brev. Søkjar vil normalt ha pengane på konto innan fredag 6. juni. Tilskotsbreva vert sende til den adressa som føretaket/bedrifta har registrert i Einingsregisteret.

Tilskotsbrevet informerer anten om kommunen sitt vedtak, og syner grunnlaget for utrekning av tilskot, satsar og utbetalt beløp, eller informerer om at søknaden enno ikkje er ferdig handsama. Forklaring av tekster i tilskotsbrevet for dei søknadene som er avslått, avvist eller stoppet av andre grunner i den sentrale utbetalinga, går fram av kapittel 2. Kopi av tilskotsbreva er tilgjengeleg for kommunen via valet «Brev» i ROB. Sjå òg lista PT-5040, som syner utbetalt beløp.

Pengane vert overført til den kontoen som er oppført på søknaden, eller til ny konto, dersom forvaltninga har fått melding om dette. Dersom søkjar har skifta konto etter at søknaden vart sendt inn, men har gløymd å gje melding til forvaltninga, vil utbetalt beløp gå til kontoen som er oppført på søknaden. Bankane har ulik praksis med omsyn til korleis dette vert handsama. I nokre tilfelle vil banken overføre beløpet til kunden sitt nye kontonummer, og i andre tilfelle vert beløpet returnert til SLF. I slike tilfelle kan SLF ikkje setje i verk ny utbetaling av tilskot før beløpet er returnert til SLF og søkjar har gjeve *skriftleg* opplysning om nytt kontonummer. Endringsskjema for kontonummer (SLF-056) kan hentast på www.slf.dep.no – skjema.

Innhold

1	Tilskotsbrev og utbetaling ved den sentrale utbetalinga	1
2	Søknader som vert avslått og avvist.....	2
3	Søknader som er stoppa sentralt eller av Fylkesmannen	4
4	Utbetalingar etter sentral utbetaling (manuelle utbetalingar).....	4
4.1	Fagsystem for manuelle utbetalingar	4
4.2	Hjelpeutrekning	4
4.3	Køyring av manuelle utbetalingar	5
4.4	Kontroll av manuelle utbetalingar	5
5	Satsar og utrekningsreglar	5
5.1	Tilskot til husdyr	6
5.1.1	Satsar og maksimalt utbetalt beløp	6
5.1.2	Utrekning av kompensasjon for bortfall av tilskot for søkjarar som deltek i prosjektet "Friskare geiter"	7
5.2	Tilskot til bevaringsverdige storferasar	8
5.3	Tilskot til slakta lam og slakta kje	8
5.4	Driftstilskot til mjølkeproduksjon	9
5.5	Driftstilskot til spesialisert kjøttfeproduksjon	9
5.6	Tilskot til økologisk landbruk	9
5.7	Distrikts- og kvalitetstilskot til frukt, bær og veksthusgrønsaker og distriktstilskot til potetproduksjon i Nord-Noreg	10
6	Tilskot til avløyising ved ferie og fritid, avløysåret 2013	11
6.1	Satsar	11
6.2	Utrekna maksimal refusjon for 2014	12
7	Reduksjonar i tilskot	12
8	Trekk i utbetalingar	12
9	Lister i samband med utbetalinga	13

2 Søknader som vert avslått og avvist

Dersom søknaden om produksjonstilskot vert stoppa, vert òg søknad om avløysartilskot stoppa. Dersom utbetalinga av tilskot til avløyising ved ferie og fritid er stoppa, vert produksjonstilskotet utbetalt om søkjar fyller vilkåra for tilskotet.

Søknader med feilmelding (jf. lista PT-1003)

635 *Søknaden er avslått, foretaket ikke opprettet innen søknadsfristen*

636 *Søknaden er avslått, foretaket ikke i MVA-registeret innen søknadsfristen*

vert avslått direkte. Det vil seie at søkjarane mottek vedtak om avslag i tilskotsbrevet ved hovudutbetalinga av produksjonstilskot. Føretaka fyller ikkje § 3 i forskrifta om å vere føretak innan søknadsfristen og vera registrert i Meirverdiavgiftsmanntalet innan søknadsfristen, eller ha hatt samla omsetnad og uttak av avgiftspliktige varer og tenester på til saman minimum 20 000 kr i løpet av dei siste 12 månadene før registreringsdatoen.

Søknad frå føretak som ikkje var oppretta innan søknadsfristen får fylgjande vedtak i tilskotsbrevet:

"Søknad er avslått fordi føretaket ikkje var registrert i Einingsregisteret innan søknadsfristen jf. forskrift om produksjonstilskot i jordbruket § 3."

Søknad frå føretak som ikkje var registrert i Meirverdiavgiftsmanntalet innan søknadsfristen, eller som ikkje har hatt samla omsetning og uttak av avgiftspliktige varer og tenester på til saman minimum kr 20 000 i løpet av dei siste 12 månader før registreringsdato, får fylgjande vedtak i tilskotsbrevet:

"Søknad er avslått fordi føretaket ikkje var registrert som meirverdiavgiftspliktig innan søknadsfristen 20. januar, eller har hatt samla omsetnad og uttak av avgiftspliktige varer og tenester på til saman minimum kr 20 000 i løpet av perioden 01.01.2013-31.12.2013, jf. forskrift om produksjonstilskot i jordbruket § 3."

Søknader med feilmelding:

650 Mottatt dato er etter 21.02.

vert avvist direkte, og søkjarane får fylgjande vedtak i tilskotsbrevet:

"Søknaden er avvist fordi søknaden vart levert 21. februar eller seinare. Det er ikkje innvilga dispensasjon frå søknadsfristen, jf. forskrift om produksjonstilskot i jordbruket §§ 9 og 10."

Søknader med feilmelding:

637 Søknaden avslått av kommunen

får ikkje tilskotsbrev ved utbetalinga. Kommunen må skrive vedtak om avslag, dersom dette ikkje allereie er gjort.

Søknader med feilmelding:

639 Søknaden avvist av kommunen

får ikkje tilskotsbrev ved utbetalinga. Kommunen må skrive vedtak om avvising dersom dette ikkje allereie er gjort.

Avløysarsøknader med feilmelding:

644 Stoppet avløysarsøknad

vert avslått direkte, og søkjarane mottek vedtak om avslag i tilskotsbrevet.

Søknader som er stoppa i inputkontrollen med feilkode 245 og 246, får fylgjande vedtak i tilskotsbrevet:

"Søknad om avløysartilskot for 2012 er avslått etter kontroll av utgifter og opplysningar i søknaden. Resultatet av kontrollen viser at du ikkje har hatt utgifter til avløyning i 2012.

Opplysningar om utgifter til avløysar, der søkjar har arbeidsgjevaransvar, er kontrollert mot løns- og trekkoppgåveregisteret i Skattedirektoratet. Opplysningar om kjøp av avløysartenester frå avløysarlag er kontrollert mot opplysningar frå avløysarlag."

Søknader som er stoppa i inputkontrollen med feilkode 247, får fylgjande vedtak i tilskotsbrevet:

"Søknad om avløysartilskot for 2014 er avslått på grunn av at du ikkje var rettkomen avløysartilskot i 2013."

Søknader som er stoppa i inputkontrollen med feilkode 256, 257, 258, 259 eller 260 får fylgjande vedtak i tilskotsbrevet:

"Søknad om avløysartilskot er stoppa. Ta kontakt med kommunen for nærare opplysningar."

Ver difor merksam på at søkjarar som har fått denne teksten tar kontakt med kommunen, for å få ei avklaring på kvifor dei ikkje får utbetalt avløysartilskot.

3 Søknader som er stoppa sentralt eller av Fylkesmannen

Søknader som er stoppa frå den sentrale utbetalinga, må kommunen vurdere nærare, før dei fattar vedtak og utbetaling eventuelt kan skje. Lista PT-1003 syner kva søkjarar dette gjeld og kva som er årsak til stopp. Dette gjeld søknader med meldingane:

- 607 *Kontrollskjema reg. mangler ord. søknadsskjema*
- 608 *Kontrollskjema er ikke registrert*
- 609 *Søknadsskjema feilmeldt, men ikke rettet*
- 610 *Kontrollskjema feilmeldt, men ikke rettet*
- 621 *Utbetaling stoppet pga ugyldig postnr/adresse*
- 645 *Søknaden stoppet av fylkesmannen*
- 646 *Pålagt kontroll er ikke utført*

Dei aktuelle søkjarane får tilsendt eit tilskotsbrev samtidig med at hovudutbetalinga går, der dei vert varsla om at det er tilhøve ved søknaden som må undersøkjast nærare:
” *Søknaden om produksjonstilskot pr. 20.01.14er registrert, men det er oppdaga forhold ved søknaden som må undersøkjast nærare. Dette vil kommunen starte med snarast. De vil få melding så snart søknaden er handsama.*”

Ved vurderinga av slike søknader skal kommunen ta utgangspunkt i situasjonen på registreringsdato 1. januar 2014 og sjå om føretaket oppfyller krava i forskrift om produksjonstilskot i jordbruket og forskrift om tilskot til avløyising.

4 Utbetalingar etter sentral utbetaling (manuelle utbetalingar)

I samband med handsaming av søknader, klage på vedtak og manuelle utbetalingar, viser SLF til forskrift om produksjonstilskudd, forskrift om tilskot til avløyising og retningslinjer gitt i rundskriv Disse er tilgjengelig på www.slf.dep.no.

Satsar og utregningsreglar som de skal bruke for berekning av tilskot ved manuelle utbetalingar går fram av kapittel 5.

4.1 Fagsystem for manuelle utbetalingar

Fagsystem for manuelle utbetalingar vert etter planen distribuert til fylkesmannen i veke 24. Meir informasjon vert sendt som e-post til fylkesmannen.

4.2 Hjelpetrekning

For å hjelpe arbeidet med å rekne ut korrekt tilskotsbeløp, tilbyr SLF hjelpetrekning for registrerte søknader. På grunnlag av registrerte opplysningar vert det rekna ut brutto tilskot, oppdelt på aktuelle heimlar. Resultatet av utrekninga vert presentert for fylkesmannen i tilskotsbrevrapport PT-2210 og rapportane PT-890 og PT-891, som vert lagt i ROB. Fylkesmannen kan deretter nytte desse for registrering av beløp til utbetaling.

Søknader som blir registrert i rutine for manuelle utbetalinger, vil få rekna ut maksimal refusjon for 2014 i hjelpeutrekninga. Ver merksam på at det er førebels satsar for 2014. Dei endelege satsane blir fastsett før utbetalinga i 2015.

For at data skal kome med i hjelpeutrekningane, må registreringa vere avslutta innan kl 12.00 dei datoane som er vist i tabellen under. Hjelpeutrekningane vert køyrd om ettermiddagen, og resultatata vil normalt vere klare dagen etter.

Tabell 1. Hjelpeutrekning, fristar

Frist for registrering	Resultat klart
Tysdag 10.6. kl 16.00	Torsdag 12.6.
Måndag 16.6. kl 12.00	Tysdag 17.6.
Måndag 23.6. kl 12.00	Tysdag 24.6.
Måndag 30.6. kl 12.00	Tysdag 1.7.
Måndag 7.7. kl 12.00	Tysdag 8.7.
Måndag 11.8. kl 12.00	Tysdag 12.8.
Måndag 18.8. kl 12.00	Tysdag 19.8.

4.3 Køyning av manuelle utbetalinger

Utbetalingane vert gjennomført med grunnlag i fylka sine registreringar. SLF hentar ajourhaldsdataene **måndag 1. september**. Alle manuelle utbetalinger bør vere gjennomført innan denne datoen. Data registrert etter denne datoen vert ikkje overført til SLF.

Merk at data frå søknader som ikkje er ferdig handsama av fylkesmannen før 1. september ikkje vert tilgjengelege i LIB.

4.4 Kontroll av manuelle utbetalinger

I første halvdel av september vert dei manuelle utbetalingane kontrollert maskinelt. Resultatet av kontrollen får kommunen i listene PT-1201 og -895D. Det er viktig at kommunen går gjennom listene og gjer om uriktige vedtak.

5 Satsar og utrekningsreglar

Landbruks- og matdepartementet (LMD) har fastsett satsane for utbetaling av tilskot for søknadsomgangen 20. januar 2014. Tabell 2 syner gjeldande satsar for dei ulike tilskota.

For alle ordningane er endeleg sats lik dei førebelse satsane i jordbruksavtalen, sjå òg rettleingshefte om produksjonstilskot i jordbruket ved søknadsomgangane 20. august 2013 og 20. januar 2014. Merk at alle satsar er fastsette i heile kroner. Merk òg at talet på slaktegris i søknaden ikkje kan nyttast direkte, sjå omtale i kapittel 5.1.1. De må bruke same satsar og utrekningsreglar for dei manuelle sakane.

5.1 Tilskot til husdyr

5.1.1 Satsar og maksimalt utbetalt beløp

Etter jordbruksavtalen 2013-2014 er den maksimale utbetalinga per år 280 000 kr i tilskot til husdyr for kvart føretak. Ved utbetaling av tilskot til husdyr etter søknad i januar 2014 vert tilskotet avgrensa, slik at utbetalt tilskot i alt for augustomgangen 2013 og januaromgangen 2014 ikkje vert meir enn maksimalbeløpet. Merk at tilskot til slakta lam og tilskot til økologisk husdyrproduksjon ikkje vert rekna inn i maksimalt årleg beløp for tilskot til husdyr. For slakta gris (kode 184 i søknaden) vert det gjeve tilskot til husdyr for 88,47 % i intervallet 1-1 400 dyr. Dette fordi at talet på slakta gris det er søkt tilskot for, er større enn 1 190 000 dyr, som er det maksimale talet dyr det nasjonalt kan gis tilskot for etter jordbruksavtalen.

Døme: Ein søkjar som har slakta 1 000 gris i 2013 får tilskot for $1000 \times 88,47 \% = 885$ slakta gris. Avrund talet gris etter vanlege reglar for avrunding.

Merk at kommunen må redusere tal dyr med rett til tilskot òg ved manuelle utbetalingar.

Tabell 2. Satsar for tilskot husdyr for utbetalinga for søknadsomgangen 20. januar 2014

Dyreslag	Intervall	Sats i kr pr. dyr ¹⁾
Mjølkeku ²⁾	1-16	2 014
	17-25	1036
	26-50	430
Ammeku ²⁾	1-25	2040
	26-50	1085
	51+	250
Storfe ²⁾	1-250	400
Mjølkegeit og mjølkesau ²⁾³⁾	1-125	700
	126-250	256
Sau/ammegeit over 1 år pr.		
1. jan.	1-50	1326
	51-100	1070
	101-200	347
	201-300	210
Utegangarsau, alle	1-300	210
Avlsgris ²⁾		
- Sør-Noreg	1-35	458
- Jæren	1-35	383
- Nord-Noreg	1-35	601
Slaktegris og gris solgt som livdyr med levende vekt på minst 50 kg		
- Utan om Jæren	88,47 % i 1-1 400	23
- Jæren ⁴⁾	88,47% i 1-1 400	19
Verpehøner og avlstdyr av ender, kalkunar og gjæser ²⁾		
- Sør-Noreg	1-1 000	5
- Nord-Noreg	1-1 000	12
- landet	1 001-5 000	5
Unghestar under 3 år	alle	1 000

1) Satsen er null kr pr. dyr over dei nemnde intervalla.

2) For mjølkeku, ammeku, storfe, mjølkegeit, avlsgris, verpehøns og avlstdyr av ender, kalkunar og gjæser er tilskotet ved kvar av søknadsomgangane utbetalt etter 50 % av satsen for året. Det er 50%-satsen som er vist her.

3) Føresetnad for tilskot til mjølkesau er at det kan dokumenterast at mjølka er nytta som råstoff i lokal foredling.

4) Jæren – kommunane Sandnes, Stavanger, Hå, Klepp, Time, Sola og Randaberg.

5.1.2 Utrekning av kompensasjon for bortfall av tilskot for søkjarar som deltek i prosjektet "Friskare geiter"

Deltakarar i tiltaket "Friskare geiter" får produksjonstilskot for dei dyra føretaket faktisk disponerar på teljedato. Føretaka kan få vederlag for tap av produksjonstilskot og tap av tilskot til avløyning ved ferie og fritid i tiltaksperioden, og det er fylkesmannen som utbetalar dette etter nærare reglar. Meir informasjon om utbetalinga kjem til fylkesmannen i dei aktuelle fylka.

5.2 Tilskot til bevaringsverdige storferasar

Endeleg sats er 2 000 kr pr. dyr. Det ytast berre tilskot for bevaringsverdige storfe som er registrert i Kuregisteret hjå Norsk Genressurscenter.

5.3 Tilskot til slakta lam og slakta kje

Lam som er slakta og klassifisert på offentlig godkjend slakteri og av godkjend klassifisør kan det ytast tilskot for. I tillegg kan det ytast tilskot for lam som er slakta ved mindre slakteri (slakteri som slaktar inntil 2 000 sau/lam pr. år) utan godkjend klassifisør. Føretaka skal føre lam som er slakta ved mindre slakteri utan godkjent klassifisør i kode 476.

Tabell 3. Satsar for tilskot til slakta lam for utbetalinga for søknadsomgangen 20. januar 2014

Dyreslag	Intervall	Sats i kr per slakt
Lammeslakt ¹⁾	kvalitet O og betre	206
	lam slakta ved små slakterier	194
	tillegg for økologiske lam, kvalitet O og betre ²⁾	40
Kjeslakt	over 3,5 kg	80

1) Sats pr. økologiske lam, kvalitet O og betre, 246 kr/dyr (206 kr + 40 kr), lam levert til mindre slakteri 234 kr/dyr (194 kr + 40 kr).

2) Sats utrekna som veid gjennomsnitt av all søknader om tilskot for slakta lam. Dette gjeld dyr i kode 476 i søknad

Leveransar av slakt må vere rapportert på produsentnummeret til det føretaket som søker produksjonstilskot for å gje rett på tilskot, jf. forskrift om produksjonstilskot §7: "(...)Tilskuddet beregnes ut fra totalt antall dyr som disponeres av foretaket på det tidspunkt eller i den periode som er fastsatt i eller i medhold av jordbruksoppgjøret(...)" Dette betyr at lammeslakt som er levert frå andre produsentnummer enn det som høyrer til føretaket som søker tilskot, skal ikkje føretaket føre opp på søknaden om produksjonstilskot.

Døme: Viss føretaket til dotter har levert slaktedyra på sitt produsentnummer og føretaket til far søker produksjonstilskot for desse dyra, har føretaket til far ikkje rett på tilskot for dyr som er levert av føretaket til dottera.

Lista PT-1050 "Lammeslakt" gir oversikt over grunnlaget som er brukt i den maskinelle kontrollen og den sentrale utrekninga av tilskot for slakta lam. Lista kan vere nyttig for å avdekkje om det er fleire som har levert lammeslakt frå same hovudnummer.

5.4 Driftstilskot til mjølkeproduksjon

Tabell 4. Driftstilskot til kumjølkeproduksjon

	> 5 kyr	4 kyr	3 kyr	2 kyr	1 ku
<i>Kumjølke, Jæren</i> ¹⁾	57 500	46 000	34 500	23 000	11 500
<i>Kumjølke, rest Sør-Noreg</i>	61 000	48 800	36 600	24 400	12 200
<i>Kumjølke, Nord-Noreg</i>	65 000	52 000	39 000	26 000	13 000

1) Gjeld kommunane Sandes, Stavanger, Hå, Klepp, Time, Sola og Randaberg.

Tabell 5. Driftstilskot til geitmjølkeproduksjon

	Ved 27 geiter eller fleire pr. føretak, kr/føretak	Redusert utbetaling pr. geit når det er færre enn 27 geiter pr. føretak, kr/geit
<i>Geitmjølke</i>	65 000	2 407

For føretak som driv produksjon av både geitmjølke og kumjølke, skal driftstilskotet utreknas på den måten som er best for søkjaren. Til dømes vil eit føretak som har 40 mjølkegeiter og 15 mjølkekyr få driftstilskot til mjølkeproduksjon etter satsen som gjeld for produksjon av geitmjølke. Eit føretak i Sør-Noreg som har 14 mjølkegeiter og 3 mjølkekyr vil få 59 559 kr i driftstilskot til mjølkeproduksjon ($65\,000 - 2\,407 \times 13 + 61\,000 \times 13/27 = 63\,079$ kr).

5.5 Driftstilskot til spesialisert kjøttfeproduksjon

Satsane er 1 425 kroner per ammeku for føretak med 6 til 39 ammekyr, rekna frå første ammeku, og 57 000 kroner per føretak for føretak med 40 eller fleire ammekyr.

5.6 Tilskot til økologisk landbruk

Tabell 6. Satsar for tilskot til økologisk husdyrproduksjon

Vekstgruppe/dyreslag	Økologisk husdyrproduksjon AK-sone 1-4 (kr pr. dyr)	Økologisk husdyrproduksjon AK-sone 5-7 (kr pr. dyr)
<i>Mjølkeku</i>	1 200	1 351
<i>Ammeku</i>	759	984
<i>Andre storfe</i>	201	282
<i>Sau over 1 år pr. 1.1.</i>	342	414
<i>Mjølkegeit</i>	81	93
<i>Ammegeit</i>	162	186
<i>Avlsgris</i>	201	201
<i>Slaktegris</i>	260	260

For mjølkegeit og ammegeit er det lik sats pr. dyr og år. Det er ulik sats pr. dyr i utbetalinga fordi det er to utbetalingar pr. år for mjølkegeit, mens for ammegeit er det ei utbetaling pr. år.

Tal slaktegris med rett på tilskot til økologisk landbruk (kode 831 i søknad) skal ikkje reduserast før utrekning av tilskot. Det inneber at omtale i kapittel 5.1.1 av reduksjon i utrekning av tilskot til husdyr for kode 184 ikkje gjeld for kode 831.

5.7 Distrikts- og kvalitetstilskot til frukt, bær og veksthusgrønsaker og distriktstilskot til potetproduksjon i Nord-Noreg

Grunnlaget for tilskota er produkt levert til godkjente omsetningsledd i perioden 1. januar til 31. desember året før utbetalingsåret. Omsetningsleddet må vere godkjent av SLF. Det er ein føresetnad for utbetaling at kvantumet i årsoppgåvene frå omsetningsledda samsvarar med eller er større enn kvantumet i søknaden.

Rapporten PTG-100 syner fylkesvis kva føretaka har levert av produkt pr. omsetningsledd. Fylkesmannen skal oppdatere denne rapporten, når det kjem korrigererte/nye årsoppgåver frå omsetningsledd i samband med manuelle utbetalingar eller dispensasjonssøknader. Det er viktig at rapport PTG-100 vert oppdatert etter kvart. Ved hjelpeutrekninga vert søknadene kontrollert mot rapporten.

Føretak som samla leverer under minstekvantum i tabell 5 har ikkje rett på tilskot.

Tabell 7. Minstekvantum for leveransar av frukt, bær og veksthusgrønsaker

Produkt	Minstekvantum
Frukt	2 000 kg
Bær	1 000 kg
Samla for tomat og slangeagurk	2 000 kg
Salat	5 000 stk

Distriktstilskot for potetproduksjon i Nord-Noreg har sats på kr 1,30 pr. kg matpotet levert til godkjent omsetningsledd.

Distrikts- og kvalitetstilskot for frukt, bær og veksthusgrønsaker er differensiert mellom grupper av produkt og soner. Tilskotet ytast inntil maksimalt kvantum for kvar produktgruppe. I tillegg vert tilskotet avgrensa av ein maksimal sum pr. føretak. Maksimal sum er differensiert mellom soner, og gjeld alle produksjonane sett under eitt. Dersom det skal tildelast tilskot for fleire produkt innan same produktgruppe med felles maksimalkvantumsavgrensing, skal dei produkta med høgast sats prioriterast fyrst ved utrekning av tilskotet.

Tabell 8. Satsar for distrikts- og kvalitetstilskot for frukt, bær og veksthusgrønsaker

Vekst	Intervall		Eining	Arealsoner						
	Frå	Til		1	2	3	4	5	6	7
<i>Eple</i>	1	100 000	kg	1,78	2,39	2,39	2,39	5,23	0	0
<i>Pærer</i>	1	100 000	kg	1,78	2,39	2,39	2,39	5,23	0	0
<i>Plommer</i>	1	100 000	kg	1,78	2,39	2,39	2,39	5,23	0	0
<i>Kirsebær</i>	1	100 000	kg	1,78	2,39	2,39	2,39	5,23	0	0
<i>Morellar</i>	1	100 000	kg	2,81	3,40	3,40	3,40	6,28	0	0
<i>Eple og pære til press</i>	Ingen avgrensing		kg	1,78	1,78	1,78	1,78	1,78	0	0
<i>Bær</i>	1	76 000	kg	1,51	1,51	1,51	3,47	3,47	5,71	5,71
<i>Tomat</i>	1	103 400	kg	1,40	1,40	1,40	2,81	2,81	4,20	4,20
<i>Slangeagurk</i>	1	151 800	kg	0,83	0,83	0,83	1,65	1,65	2,48	2,48
<i>Salat</i>	1	220 000	stk.	0,52	0,52	0,52	1,02	1,02	1,52	1,52
Maksimalbeløp grønnsaker				153 600	185 600	185 600	287 200	341 900	431 400	431 400
Maksimalbeløp frukt og bær				Ingen avgrensing						

6 Tilskot til avløsning ved ferie og fritid, avløysaråret 2013

6.1 Satsar

Øvre grense for avløysartilskot i 2013 er 72 000 kroner.

Tabell 9. Tilskot til avløsning ved ferie og fritid. Endelege satsar pr. dyr for 2013

Dyreslag (dyrekode på søknadsskjema)	Intervall	Sats kr/dyr
<i>Mjølkekyr (120)</i>	1-8	3 975
	over 8 dyr	2 699
<i>Ammekyr (121)</i>	Alle dyr	952
<i>Storfe (119)</i>	Alle dyr	575
<i>Mjølkegeiter og mjølkesauer (140, 139)</i>	1-40	945
	over 40 dyr	633
<i>Sauer over 1 år / ammegeiter (137,142)</i>	Alle dyr	499
<i>Avlsgrisar (155,156)</i>	Alle dyr	1 137
<i>Slaktegrisar (184)</i>	Alle dyr	39
<i>Verpehøner og avlsdyr av ender, kalkunar og gjæser (160, 168)</i>	Alle dyr	10
<i>Hestar (115,116)</i>	Alle dyr	1 137
<i>Avlskaninar (180)</i>	Alle dyr	283
<i>Gjæser(189), kalkunar (188), ender (187), livkyllingar og livkalkunar (185)</i>	Alle dyr	3,48
<i>Slaktekyllingar (186)</i>	Alle dyr	0,43
<i>Økologiske slaktekyllingar (840)</i>	Alle dyr	1,66
<i>Revetisper (171)</i>	Alle dyr	312
<i>Minktisper (170)</i>	Alle dyr	91
<i>Hjort (181)</i>	Alle dyr	387

6.2 Utrekna maksimal refusjon for 2014

Tilskotsbrevet viser den førebelse utrekninga av maksimalt avløysartilskot for 2014, som blir søkt om og utbetalt i 2015. Utrekninga er gjort på grunnlag av statens tilbod i årets jordbruksforhandlingar. Dei endelege satsane er ikkje klare før etter Stortinget har handsama jordbruksoppgjeret 17. juni.

Nytt for 2014 er at all sau over 1 år skal gje grunnlag for avløysartilskot. I tilskotsbrevet til søkaren er ikkje utgangarsau med i den førebelse utrekninga av maksimalt avløysartilskot for 2014. Avløysartilskot for utgangarsau vil dermed komme i tillegg til det som står i tilskotsbrevet, innafor den øvre grensa for avløysartilskotet.

7 Reduksjonar i tilskot

Det vert trekt eit botnfrådrag på 3 000 kr pr. føretak pr. år. Så langt det var mogleg vart botnfrådraget trekt ved utbetalinga i februar. Der det står att noko av dette frådraget ved januaromgangen, samt for alle nystarta føretak, vert det trekt botnfrådrag for januaromgangen. Det same gjeld reduksjon grunna manglande eller mangelfull miljøplan, jf. tabell under.

Tabell 10. Reduksjon i tilskot som følgje av manglande eller mangelfull miljøplan

Areal daa	Trekk
≤ 250	8 000
251 - 500	12 000
> 500	18 000

Minste beløp som vert utbetalt er kr 300. Dette gjeld sum produksjonstilskot og tilskot til avløyning.

Ved den sentrale utbetalinga trekkjer SLF 1000 kr pr. virkedag for søknader som er levert for seint, frå og med 21. januar. Søknader som er levert 20. februar eller seinare er avvist, med mindre føretaket har dispensasjon frå søknadsfristen. Kommunen og fylkesmannen må sørge for at det vert trekt ved for seint levert søknad ved utbetaling etter hovudbetalinga (manuelle utbetalingar).

8 Trekk i utbetalingar

Føretak med trekk i utbetalinga på grunn av motrekning, utlegg, tidlegare for mykje utbetalt tilskot eller erstatning, får dette spesifisert på tilskotsbrevet. Fylkesmannen har tilgang til lister, via ROB, som syner kven dette gjeld. Fylkesmannen må undersøkje desse listene dersom han skal utbetale tilskot manuelt etter klage eller feil. Der eit føretak har heftingar i form av til dømes motrekning og utlegg, må Fylkesmannen leggje dette inn i Fagsystemet for manuell utbetaling, jf. rettleiinga. Sjå listene PT880, PT883 og PT886.

PT880 Gjenstående trekk SLF/skjema

Desse trekka vert overførte automatisk til neste søknadsomgang.

PT883 Innmelde trekk

Lista viser søknader med trekk, som ikkje kjem til sentral utbetaling, og som er registrert med trekk.

PT886 Gjenstående trekk, motrekningar/skatt/mva/utlegg

Lista viser søknader som er utbetalt, og storleiken på attstående trekk av moms/skatt/utlegg. Lista viser også slike søknader, som framleis ikkje er ferdig handsama. Attstående trekk skal verte effektuert i manuelle utbetalingar i inneverande periode, men vert ikkje overførte til neste søknadsomgang. Det er fordi det ikkje er høve til å motrekne i framtidige tilskot: krav kan ikkje oppstå før søknadsfrist, og søknad må vere levert til kommunen.

Fylkesmannen må melde frå til Statens landbruksforvaltning, dersom attstående egne trekk (sjå listene PT-880 og PT-883) skal slettast eller reduserast. Dette for at attstående trekk skal vere oppdatert før neste utbetaling.

9 Lister i samband med utbetalinga

I ROB finn du følgjande lister som gjeld spesielt for utbetaling av avløysartilskot:

PT5040 Hovudlista

Utbetalt avløysartilskot ved den sentrale utbetalinga i juni 2014 vil stå på hovudlista PT5040.

PT1001C Feilliste inputkontroll

Føretak som er feil- eller varselmelde står i liste PT1001C. Feil- og varselkodene 062, 217-260, 310, 311, 323, 358-371 gjeld avløysartilskot.

AVL423 Avviksliste kontroll mot Skattedirektoratet

Dette er avvikslista etter kontroll mot løns- og trekkoppgåvedatabasen i Skattedirektoratet .

Det er berre føretak som har innrapportert løns- og trekkoppgåve til kommunekasseraren som er med på denne lista. Både organisasjonsnummer og fødselsnummer må stemme. Lista viser avvik mellom innrapportert og omsøkt beløp.

Føretak som har arbeidsgjevaransvar og ikkje har levert løns- og trekkoppgåve for avløysaren, står ikkje på lista AVL423. I tilskotsbrevet står det at søknaden er avslått, fordi kontroll av utgifter viser at føretaket ikkje har hatt utgifter til avløyning i 2012.

AVL424 Kontroll mot avløysarlag

Dette er avvikslista etter kontroll mot opplysningar frå avløysarlag.

AVLE900 Hovedliste oppstart nytt år

Denne lista viser førebels maksimal refusjon for alle føretak i 2013.

Med hilsen
for Statens landbruksforvaltning

Nils-Einar Eliassen
seksjonssjef

Ylva Freed
rådgivar

Dokumentet er elektronisk godkjent og trenger derfor ingen signatur.